



B mee lıslaangã zeng-raad a nu zugu

Yii a Abu 'Abd Ar-Rahmaan 'Abd Allaah [bn 'Umar [bn Al-ḥaṭṭaab nengě (Wěnd yard be a yĩnga), a yeelame: m wuma Wěnd Těn-tuuma, (Wěnd puusg la A tıgr be a yĩnga), t'a yetě: «B mee lıslaangã zeng-raad a nu zugu, yaa kō sıda tı soab ka be sěn tũud n tılg tı pa Wěnd ye, a Muḥammad me yaa Wěnd Těn-tuuma, la Puusgã yãnesgo, la Zak kũuni, la Roogã kaagre, la Ramadaanã no-loeere».

[رواه البخاري ومسلم] [Naşun Şahıhın (Gom-sikdem sěn manege)]

Nabiyaamã (Wěnd puusg la A tıgr be a yĩnga) wōnesa lıslaangã ne meoongo sěn me n maneg ne a zeng-raad a nu wã, tı yaa bãmb n tuk-a; tı lıslaangã yeı sěn kellã fãa, yaa sěn na n pıds n lok meoong-kãngã, La zeng-raad-kãensã rēenem: yaa sahd a yiibã; tı soab sěn na n tũ n tılg ka be rēnda Wěnde, la a Muḥammad me yaa Wěnd Těn-tuuma, bãmbã yaa zeng-raoog a yembre, b yiibã ka welgd n bas taab ye; yamb yeta b yiibã n reeg a zugu ne Wěnd yemblemã la Wěnd sěn sōmb ne tũudmã, A Yembr Tãa, pa zēng sěn ka Yě ye, la a tum ne b yiibã sěn ratã, la a kō sıd ne a Muḥammad těn-tumdlemã, (Wěnd puusg la A tıgr be a yĩnga). Zeng-raoog a yiibã: yaa Puusgã yalsgo, yě me la Puusg a nu wã sěn yaa tılae wã, yung la wĩndga, Fagiri, Zafare, Laansare, Magrib la Sãanfo, ne b sart-rãmbã la b zeng-raad nins sěn yaa tılae wã. Zeng-raoog a tãab soaba: yaa Zakã yãkr sěn yaa tılae wã, la yě yaa tũudum ne arzeka, lidg fãa sěn ta alkadr b sěn yãk toaaga, sãri wã pugě tı b miě, tı b yãkd n kōt neb nins sěn sōmbã ne-a wã. Zeng-raoog a naas soaba: yaa hagiimdu, la yě yaa togl Makã, n tug n maan tũudum tuuma, Wěnd tũudum yĩnga, (A Naam yı wagell n zēke). Zeng-raoog a nu soaba: yaa Ramadaanã no-loeere, yě me yaa: yōk-m-meng n yi ruho, la yũubu, la zēng sěn ka b yiibã sěn yaa yeı nins sěn kaood noorã, n lagem ne Anniy rıkre tı yaa Wěnd tũudum, sěn na n sung Fagir pukri n tug n tãag wĩndgã luuse.

<https://sunnah.global/hadeeth/mos/show/66512>

